

MISSALE ROMANUM

EX DECRETO SACROSANCTI ŒCUMENICI
CONCILII VATICANI II INSTAURATUM
AUCTORITATE PAULI PP. VI PROMULGATUM
IOANNIS PAULI PP. II CURA RECOGNITUM

EDITIO IUXTA TYPICAM TERTIAM



Copyright (c) Midwest Theological Forum
More Information Available at
www.theologicalforum.org

MIDWEST THEOLOGICAL FORUM
A.D. MMV

DOMINICA I ADVENTUS

Ant. ad introitum

Cf. Ps 24, 1-3

Ad te levávi ánimam meam,
Deus meus, in te confído, non erubéscam.
Neque irrídeant me inimíci mei,
étenim univérsi qui te expéctant non confundéntur.

Non dicitur Glória in excélsis.

Collecta

Da, quásumus, omnípotens Deus,
hanc tuis fidélibus voluntátem,
ut, Christo tuo veniénti iustis opéribus occurréntes,
eius délixteræ sociáti, regnum mereántur possidére cæléste.
Per Dóminum.

Dicitur Credo.

Super oblata

Súscipe, quásumus, Dómine, múnera,
quæ de tuis offérimus colláta beneficiis,
et, quod nostræ devotíoni concédís éffici temporáli,
tuæ nobis fiat præmíum redemptíonis æternæ.
Per Christum.

Præfatio I de Adventu, p. 442.

Ant. ad communionem

Ps 84, 13

Dóminus dabit benignitátem,
et terra nostra dabit fructum suum.

Post communionem

Prosint nobis, quásumus, Dómine, frequentáta mystéria,
quibus nos, inter prætereúntia ambulántes,
iam nunc instítuis amáre cæléstia et inhærére mansúris.
Per Christum.

Adhiberi potest formula benedictionis sollemnis, p. 532.

Feria secunda

Ant. ad introitum

Cf. Ier 31, 10; Is 35, 4

Audíte verbum Dómini, gentes,
et annuntiáte illud in fínibus terræ:
Ecce Salvátor noster advéniet, et iam nolíte timére.

Collecta

Fac nos, quæsumus, Dómine Deus noster,
advéntum Christi Fílii tui sollícitos expectáre,
ut, dum vénerit pulsans, oratióibus vigilátes,
et in suis invéniat láudibus exsultátes.
Qui tecum.

Super oblata

Súscipe, quæsumus, Dómine, múnera
quæ de tuis offérimus colláta beneficiis,
et, quod nostræ devotióni concedis éffici temporáli,
tuæ nobis fiat præmium redemptionis æternæ.
Per Christum.

Præfatio I de Adventu, p. 442.

Ant. ad communionem

Cf. Ps 105, 4-5; Is 38, 3

Veni, Dómine, visitáre nos in pace,
ut lætémur coram te corde perfécto.

Post communionem

Prosint nobis, quæsumus, Dómine, frequentáta mystéria,
quibus nos, inter prætereúntia ambulátes,
iam nunc instítuis amáre cæléstia et inhærére mansúris.
Per Christum.

Feria tertia

Ant. ad introitum

Cf. Zac 14, 5.7

Ecce Dóminus véniet, et omnes sancti eius cum eo;
et erit in die illa lux magna.

Collecta

Propitiáre, Dómine Deus, supplicatióibus nostris,
et tribulántibus, quáesumus, tuæ concéde pietátis auxiliúm,
ut, de Fílii tui veniéntis præséntia consoláti,
nullis iam polluámur contágiis vetustátis.
Per Dóminum.

Super oblata

Placáre, Dómine, quáesumus,
nostræ précibus humilitátis et hostiis,
et, ubi nulla súppetunt suffrágia meritórum,
tuæ nobis indulgéntiæ succurre præsidiis.
Per Christum.

Præfatio I de Adventu p. 442.

Ant. ad communionem

Cf. 2 Tim 4, 8

Corónam iustitiæ reddet iustus iudex
iis qui dñligunt advéntum eius.

Post communionem

Repléti cibo spiritális alimóniæ,
súpplíces te, Dómine, deprecámur,
ut, huius participatióne mystérii,
dóceas nos terréna sapiénter perpéndere,
et cæléstibus inhærere.
Per Christum.

Feria quarta

Ant. ad introitum

Cf. Hab 2, 3; 1 Cor 4, 5

Véniet Dóminus et non tardábit,
et illuminábit abscondita tenebrárum,
et manifestábit se ad omnes gentes.

Collecta

Præpara, quæsumus, Dómine Deus noster,
corda nostra divína tua virtúte,
ut, veniente Christo Fílio tuo,
digni inveniámur æternæ vitæ convívio,
et cibum cælestem, ipso ministrante, percipere mereámur.
Qui tecum.

Super oblata

Devotiõnis nostræ tibi, Dómine, quæsumus,
hóstia iúgiter immolétur,
quæ et sacri péragat institúta mysterii,
et salutáre tuum nobis potenter operétur.
Per Christum.

Præfatio I de Adventu, p. 442

Ant. ad communionem

Cf. Is 40, 10; 35, 5

Ecce Dóminus noster cum virtúte véniet,
ut illúminet óculos servórum suórum.

Post communionem

Tuam, Dómine, cleméntiam implorámus,
ut hæc divína subsidia, a vítiis expiátos,
ad festa ventúra nos præparent.
Per Christum.

Ad Missam in nocte

In Nativitate Domini omnes sacerdotes tres Missas celebrare vel concelebrare possunt, dummodo hæ suo tempore celebrentur.

Ant. ad introitum

Ps 2, 7

Dóminus dixit ad me: Fílius meus es tu, ego hódie génui te.

Vel:

Gaudeámus omnes in Dómino,
quia Salvátor noster natus est in mundo.
Hódie nobis de cælo pax vera descéndit.

Dicitur Glória in excélsis.

Collecta

Deus, qui hanc sacratíssimam noctem
veri lúminis fecísti illustratione claréscere,
da, quæsumus, ut, cuius in terra mystéria lucis agnóvimus,
eius quoque gáudiis perfruámur in cælo. Qui tecum.

Dicitur Credo. Ad verba Et incarnátus est genuflectitur.

Super oblata


Grata tibi sit, Dómine, quæsumus,
hodiérnæ festivitátis oblátio,
ut, per hæc sacrosáncta commércia,
in illíus inveniámur forma,
in quo tecum est nostra substántia.
Qui vivit et regnat in sæcula sæculórum.

Præfatio: De Christo luce.

Tonus sollemnis




Y. Dó-mi-nus vo-bís-cum. R. Et cum spí-ri-tu tu-o.



Y. Sursum corda. R. Ha-bé-mus ad Dó-mi-num.



V. Grá-ti-as a-gá-mus Dó-mi-no De-o nostro.



R. Dignum et iustum est.



Ve-re dignum et iustum est, æ-quum et sa-lu-tá-re, nos ti-bi




semper et u-bí-que grá-ti-as á-ge-re: Do-mi-ne, sancte Pater,



omní-potens ætér-ne De-us: Qui-a per incarná-ti Verbi mysté-



ri-um no-va mentis nostræ o-cu-lis lux tu-æ cla-ri-tá-tis infúl-



sit: ut, dum vi-si-bí-li-ter De-um cognósci-mus, per hunc in invi-



si-bí-li-um a-mó-rem ra-pi-á-mur. Et íd-e-o cum Ange-lis et



Archánge-lis, cum Thro-nis et Do-mi-na-ti-ó-ni-bus, cumque



omni mi-lí-ti-a cæ-léstis ex-ércitus, hymnum glóri-æ tu-æ cá-



ni-mus, si-ne fi-ne di-céntes:

Sanctus, Sanctus, Sanctus Dóminus Deus Sábaoth...

Ritus initiales

1. Populo congregato, sacerdos cum ministris ad altare accedit, dum cantus ad introitum peragitur.

Cum ad altare pervenerit, facta cum ministris profunda inclinatione, osculo altare veneratur et, pro opportunitate, crucem et altare incensat. Postea cum ministris sedem petit.

Cantu ad introitum absoluto, sacerdos et fideles, stantes, signant se signo crucis, dum sacerdos, ad populum conversus, dicit:

In nómine Patris, et Fílii, et Spíritus Sancti.

Populus respondet:

Amen.

2. Deinde sacerdos, manus extendens, populum salutat, dicens:

**Grátia Dómini nostri Iesu Christi, et cáritas Dei,
et comunicátio Sancti Spíritus sit cum ómnibus vobis.**

Vel:

Grátia vobis et pax a Deo Patre nostro et Dómino Iesu Christo.

Vel:

Dóminus vobíscum.

Populus respondet:

Et cum spíritu tuo.

Episcopus, loco Dóminus vobíscum, in hac prima salutatione dicit:

Pax vobis.

3. Sacerdos, vel diaconus vel alius minister, potest brevissimis verbis introducere fideles in Missam diei.

Actus pænientialis *

4. Deinde sequitur actus pænientialis ad quem sacerdos fideles invitat, dicens:
**Fratres, agnoscámus peccáta nostra,
ut apti simus ad sacra mystéria celebránda.**

Fit brevis pausa silentii. Postea omnes simul formulam confessionis generalis perficiunt:

**Confíteor Deo omnipoténti et vobis, fratres,
quia peccávi nimis
cogitatióne, verbo, ópere et omissióne:**

et, percutientes sibi pectus, dicunt:

mea culpa, mea culpa, mea máxima culpa.

Deinde prosequuntur:

**Ideo precor beátam Mariám semper Virgínem,
omnes Angelos et Sanctos,
et vos, fratres, oráre pro me
ad Dóminum Deum nostrum.**

Sequitur absolutio sacerdotis:

**Misereátur nostri omnipotens Deus
et, dimíssis peccátiis nostris,
perducát nos ad vitam ætérnam.**

Populus respondet:

Amen.

Vel:

5. Sacerdos fideles invitat ad actum pænientialem:
**Fratres, agnoscámus peccáta nostra,
ut apti simus ad sacra mystéria celebránda.**

Fit brevis pausa silentii. Postea sacerdos dicit:

Miserére nostri, Dómine.

Populus respondet:

Quia peccávimus tibi.

* Die dominica, præsertim tempore paschali, loco consueti actus pænientialis, quandoque fieri potest benedictio et aspersio aquæ in memoriam baptismi, ut in Appendice II (pp. 1157-1160).

Sacerdos:

Ostēde nobis, Dómine, misericórdiam tuam.

Populus:

Et salutáre tuum da nobis.

Sequitur absolutio sacerdotis:

Misereátur nostri omnípotens Deus
et, dimíssis peccátis nostris,
perdúcat nos ad vitam ætérnam.

Populus respondet:

Amen.

Vel:

6. Sacerdos fideles invitát ad actum pænitentialem:

Fratres, agnoscámus peccáta nostra,
ut apti simus ad sacra mysteria celebránda.

Fit brevis pausa silentii.

Postea sacerdos, vel diaconus vel alius minister, sequentes, vel alias, invocationes cum Kýrie, eléison profert:

Qui missus es sanare contrítos corde: Kýrie, eléison.

Populus respondet:

Kýrie, eléison.

Sacerdos:

Qui peccatóres vocáre venísti: Christe, eléison.

Populus:

Christe, eléison.

Sacerdos:

Qui ad dexteram Patris sedes, ad interpellándum pro nobis:
Kýrie, eléison.

Populus:

Kýrie, eléison.